

Na osnovu člana 35. tačka aa) Statuta Grada Bihaća („Službeni glasnik Grada Bihaća“, broj 13/15 i 13/18) i člana 49. stav (3) Poslovnika Gradskog vijeća Bihać („Službeni glasnik Grada Bihaća“, broj 3/16 i 4/20), Gradsko vijeće Bihać na 3. sjednici održanoj dana 04.02.2021.godine, donijelo je:

RJEŠENJE  
O IMENOVANJU ČLANOVA KOMISIJE ZA  
LOKALNU SAMOUPRAVU

Član 1.

Imenuju se članovi Komisije za lokalnu samoupravu kao stalnog radnog tijela Gradskog vijeća i utvrđuje njihov broj, sastav, djelokrug rada, mandat i naknada za rad.

Član 2.

U Komisiju za lokalnu samoupravu imenuju se:

1. Hasan Fatkić, predsjednik
2. Hajrudin Selimović, zamjenik predsjednika
3. Silvana Behić, član
4. Mustafa Zulić, član
5. Sanel Havić, član
6. Ekrem Okić, vanjski član
7. Jasminko Skopljak, vanjski član.

Član 3.

Komisija za lokalnu samoupravu u djelokrugu rada:

- a) prati rad nadležnih organa u vezi sa ustrojstvom lokalne samouprave u gradu, prati rad nevladinih organizacija, čija djelatnost je usmjerena na lokalnu samoupravu,
- b) razmatra pitanja u postupku osnivanja mjesne zajednice i promjene područja mjesnih zajednica izbor organa u mjesnim zajednicama,
- c) razmatra pitanja koja se odnose na organizaciju, rad i međusobnu saradnju mjesnih zajednica,
- d) utvrđuje prioritetne projekte za mjesne zajednice i njihovo finansiranje, predlaže Vijeću obezbjeđivanje sredstava za mjesne zajednice, ukoliko ne mogu obezbijediti neophodna sredstva za obavljanje osnovnih funkcija, kao i za obavljanje poslova koje Grad prenese na organe mjesnih zajednica,

- e) obavlja poslove nadzora nad radom organa mjesnih zajednica i predlaže mjere za unapređenje njihovog rada,
- f) razmatra, prati i podstiče saradnju Grada sa Savezom općina i gradova te drugim jedinicama lokalne samouprave u Kantonu, Federaciji Bosne i Hercegovine i Bosni i Hercegovini, u cilju usklađivanja zajedničkih interesa i potreba, te bržeg društveno-ekonomskog razvoja,
- g) prati i podstiče saradnju organa i organizacija u gradu sa odgovarajućim organima i organizacijama sa područja drugih općina i gradova na privrednim, naučnim, kulturnim, sportskim i drugim planovima,
- h) razmatra, prati i podstiče ostvarivanje saradnje Vijeća i drugih organa i organizacija u gradu sa odgovarajućim organima i organizacijama stranih država, te predlaže odgovarajuće mjere za unapređenje saradnje,
- i) te obavlja i druge poslove vezane za svoj djelokrug rada.

#### Član 4.

Mandat članova Komisije za lokalnu samoupravu vezan je za mandat gradskih vijećnika.

#### Član 5.

Članovi Komisije za obavljanje svoga rada imaju pravo na naknadu utvrđenu Odlukom o utvrđivanju visine naknade za vršenje funkcije vijećnika u Općinskom vijeću i radnim tijelima Općinskog vijeća („Službeni glasnik Općine Bihać“, broj 2/13).

#### Član 6.

Ovo Rješenje stupa na snagu danom donošenja, a objavit će se u „Službenom glasniku Grada Bihaća“.

Broj: \_\_\_\_\_  
Bihać, \_\_\_\_\_

Predsjedavajući Gradskog vijeća  
Zulfikar Handukić